



Sarajevo, 28.12.2023. godine

Broj: 06-06-2-1163-2/23

Pozivno pismo

Online kurs poslovnog engleskog jezika (Business English Online Course)

Poštovani/a,

Vanjskotrgovinska/Spoljnotrgovinska komora BiH (VTK/STK BiH) poziva predstavnike poslovne zajednice u Bosni i Hercegovini i zainteresirana fizička lica na **Online kurs poslovnog engleskog jezika (Business English Online Course)**, koji počinje u februaru 2024. godine.

Online kurs poslovnog engleskog jezika će se održati putem Zoom platforme/aplikacije u trajanju od tri (3) mjeseca, kroz ukupno 48 školskih sati. Nastava će se realizirati kroz dinamiku koja predviđa održavanje predavanja dva (2) puta sedmično po dva (2) školska sata (4 školska sata/sedmično x 12 sedmica = 48 školskih sati). Nastava će se održavati radnim danima, u poslijepodnevnom satima (za vrijeme radnog vremena).

U svijetu rapidnih promjena i globalnog poslovanja izuzetno je važna, ali i neophodna komunikacija na engleskom jeziku, kako u svakodnevnim situacijama tako i u poslovnom okruženju. Online kurs poslovnog engleskog jezika će Vam pomoći da usavršite poslovnu komunikaciju, proširite vokabular, savladate poslovnu korespondenciju i unaprijedite neophodne prezentacijske vještine. Online kurs ima za cilj, pored sticanja novih znanja i vještina, da kod polaznika unaprijedi postojeće znanje engleskog jezika, poboljša jezičke vještine (*reading, writing, listening, speaking*) i komunikacijske vještine u poslovnom okruženju.

Predavači na online kursu poslovnog engleskog jezika su profesori engleskog jezika sa dugogodišnjim iskustvom u predavanju općeg, pravnog i poslovnog engleskog jezika, specijalizirana za predavanje nastave u online formatu.

Online kurs poslovnog engleskog jezika će obuhvatiti sljedeće tematske jedinice:

- Komunikacijske vještine (poslovna komunikacija, komunikacija sa korisnicima/klijentima i sl.)
- Sastanci na engleskom jeziku
- Vještine pregovaranja
- Prezentacijske vještine
- Pisanje e-mailova, izvještaja, dopisa
- Telefoniranje
- Razvoj profesionalnih vještina
- Vokabular poslovnog engleskog jezika
- Gramatika engleskog jezika





U zavisnosti od polaznika kursa, tematske jedinice će biti modifikovane prema potrebama polaznika (*tailor-made*). Kurs je prvenstveno namijenjen da unaprijedi jezičke vještine, a posebno će se osvrnuti na razvoj govornih sposobnosti polaznika.

Razvoj **vještine govora** engleskog jezika će se primjeniti kroz raznovrsne aktivnosti kao što su:

- Redovne diskusije o međunarodnim i domaćim temama
- simulacija sastanaka
- simulacija telefonskih razgovora
- simulacija pregovora i diskusija
- rad u parovima
- rad u manjim i većim grupama
- izlaganje prezentacija svakog polaznika

Vještina pisanja će se razvijati kroz aktivnosti kao što su:

- planiranje i pisanje prezentacija na engleskom jeziku
- pisanje e-mailova
- pisanje izvještaja

Razvoj **vještine čitanja i slušanja** će se primjeniti kroz:

- čitanje i analizu članaka iz raznovrsnih specijalno namijenjenih udžbenika
- čitanje i analizu posebno odabranih članaka iz izvora kao što su The Guardian, The Financial Times, The New York Times, The Economist, itd.,
- slušanje video zapisa iz relevantnih online izvora.

Nakon završenog online kursa polaznici bi trebali moći da koriste postojeće znanje engleskog jezika u profesionalne svrhe sa posebnim akcentom na poslovnu komunikaciju na engleskom jeziku. Biće u mogućnosti da uspješno izlažu svoje stavove i ideje, da profesionalno vode prezentacije, sastanke i pregovore, te da koriste formalni engleski jezik prilikom svih vrsta korespondencija, kako u pisanoj formi tako i u elektronskoj.

Za učešće na online kursu poslovnog engleskog jezika predviđena je kotizacija u iznosu od **351,00 KM** (s PDV-om), a u cijenu je uključeno:

- online predavanja (ukupno 48 školskih sati)
- certifikat VTK/STK BiH

Prijava na online kurs se vrši popunjavanjem [online prijavnog obrasca](#).

Krajnji rok za dostavljanje prijave je petak, 26. januar 2024. godine do 12.00 sati.

U sedmici od 29. januara do 2. februara 2024. godine, sa prijavljenim kandidatima biće dogovoren termin provjere znanja u vidu online intervjua (putem Zoom platforme/aplikacije), s ciljem utvrđivanja grupe koju će polaznik pohađati.



VANJSKOTRGOVINSKA KOMORA BOSNE I HERCEGOVINE
СПОЉНОТРГОВИНСКА КОМОРА БОСНЕ И ХЕРЦЕГОВИНЕ

Online kurs će biti održan putem Zoom aplikacije, koju možete besplatno preuzeti na sljedećem link-u: <https://zoom.us/download> (verzija za desktop/laptop računare). Za najbolje iskustvo praćenja online kursa, kandidatima preporučujemo pohađanje nastave preko uređaja sa stabilnom internet konekcijom, kamerom i mikrofonom.

Vaša kontakt osoba za sve dodatne informacije je g. Mirza Konjo, saradnik za edukaciju u VTK/STK BiH. Telefon: 033/566-204 & e-mail: mirza.konjo@komorabih.ba

U nadi da ćete prepoznati značaj ovog online kursa, te svojim prisustvom i učešćem uveličati organizaciju istog, srdačno Vas pozdravljam i ostajem

S poštovanjem,

Sabrina Teskeredžić
Vanjskotrgovinska komora BiH
Direktorica Instituta za edukaciju

